



# Laerskool Dagbreek

GAUTENG DEPARTEMENT VAN ONDERWYS

Privaatsak X2038  
OBERHOLZER  
2502

Tel.: (018) 787 4171  
Faks: (018) 787 4172

Webtuiste adres:  
[www.laerskooldagbreek.co.za](http://www.laerskooldagbreek.co.za)

2017-08

NO. 96; 1 van 5

## SELFOONBELEID VAN LAERSKOOLO DAGBREEK

In die lig van verandering, vernuwing en veiligheid het dit al hoër meer belangrik geword dat leerlinge, soms op aandrang van hul ouers, in besit is van selfone gedurende skoolure. Om dus 'n "Geen selfone by die skool" beleid te volg is nie meer prakties in 'n tegnologiese gevorderde samelewing nie.

Daar word 'n ernstige, tog vriendelike beroep op ouers gemaak om toe te sien dat leerders verkieslik NIE hul selfone skooltoe bring NIE.

### A. Die volgende reëls is van toepassing indien 'n leerder 'n selfoon (insluitend polshorlosies wat soos selfone funksioneer ) skooltoe bring:

1. 'n Leerder se foon moet geblokkeer wees teen volwasse materiaal, indien die foon internet-toegang het en visuele materiaal soos foto's van ander fone kan ontvang.
2. Indien 'n leerder 'n foon het wat slegs basiese funksies het soos, oproepe maak en ontvang en sms'e stuur en ontvang, is dit nie van toepassing om die foon te blokkeer nie.
3. 'n Leerder se foon moet op een van die volgende maniere beveilig word:
  - 3.1 "Pornblocker" is 'n diens wat ouers in staat stel om hul kinders te beskerm teen toegang tot pornografie via hul selfone.

3.1.1 Sms die word "BLOCK" en u kind se selfoonnommer na 41333. Volwasse-inhoud word sodoende vir 'n jaar lank na 'n leerder se selfoon geblokkeer.

3.1.2 Sms-web is in staat om 75% van die sogenaamde volwasse kykstof te blokkeer.

[admin@dagbreek.co.za](mailto:admin@dagbreek.co.za)

**NO. 96; 2 van 5**

3.1.3 Die koste per sms is minimaal wat 'n jaar se beskerming bied teen die gevaar.

3.1.4 Waarskuwing: Kinders met internettoegang via hul selfone is steeds blootgestel aan pornografie wat direk op die selfoon afgelaai word.

3.1.5 Kontak [www.smsweb.co.za / pornblocker.html](http://www.smsweb.co.za/pornblocker.html) vir meer besonderhede.

3.2 Koop liever vir 'n leerder 'n goedkoop selfoon **sonder internettoegang**. Die foon moet slegs kan bel en sms'e stuur of alternatiewelik moet die ouer of voog op 'n daaglikse basis deeglike kontrole uitoefen, sou 'n leerder die internet op die selfoon gebruik.

3.3 Kontak die diensverskaffers bv. Vodacom. Hulle het 'n program om 'n selfoon te blokkeer.

4. **Geen selfone mag gedurende skoolure, insluitende pouses, aangesit wees nie. Die reël sluit in dat geen selfoon op "silent" mag wees gedurende skoolure nie.**
5. Leerlinge mag **nie** hul selfone tydens pouses, of wanneer hul die klas verlaat, aanskakel om hul ouers te skakel of 'n boodskap te stuur of 'n "missed call" te gee nie.
6. Indien 'n leerling sy/haar ouers dringend moet kontak, kan dit gedoen word vanaf die kantoor, indien dit gedurende skoolure is. (R5 per oproep)
7. 'n Leerling mag gedurende skoolure sy/haar selfoon gebruik, slegs in uiters noodsaaklike en dringende gevalle en die volgende reëls geld:
  - 7.1 Die selfoon word in die teenwoordigheid van 'n personeellid aangesit.
  - 7.2 Die oproep, boodskap word in die teenwoordigheid van 'n personeellid gemaak, gestuur.
  - 7.3 Die selfoon word direk daarna in die teenwoordigheid van die personeellid afgeskakel en gebêre.
8. Selfone moet ten alle tye buite sig gebêre word en mag nie om die nek gehang of in 'n sakkie aan 'n gordel gedra word nie.
9. Selfone word op eie risiko skooltoe gebring en kosbare onderrigtyd sal nie in beslag geneem word om selfone te probeer opspoor wat óf verloor óf gesteel is nie.

**NO. 96; 3 van 5**

10. Indien 'n leerling sy selfoon verloor het **sal die skool geen verantwoordelikheid daarvoor aanvaar nie.**
11. Gesteelde selfone moet by die SAPD aangemeld word, sodat hulle die saak kan ondersoek. Geen ondersoeke sal gedurende skoolure toegelaat word nie, aangesien kosbare onderrigtyd verlore gaan

**B. Ootreding van bogenoemde reëls vir die gebruik van selfone by die skool sal die volgende gevolge hê:**

1. Leerlinge wat betrap word dat hulle selfone aangeskakel is tydens skoolure gaan aan die volgende optrede onderwerp word:
  - 1.1 Die leerling ontvang 6 strafpunte.
2. Leerlinge wat vir '**n tweede keer** betrap word dat hulle selfone aangeskakel is tydens skoolure, gaan aan die volgende maatreëls onderwerp word:
  - 2.1 Die leerling ontvang 6 strafpunte en verwittig die ouer.
  - 2.2 Die betrokke leerling word na die Bestuur van die skool verwys vir onderhoud.
3. Sou daar, in alle onwaarskynlikheid, 'n **derde ootreding** plaasvind, sal die leerling dissiplinêr aangekla word en na die Tugkomitee van die Beheerliggaam verwys word.
4. Die Tugkomitee het die reg om 'n toepaslike straf af te dwing, bv: - 'n leerling wat skuldig bevind word, mag verbied word om by die skool in besit van 'n selfoon te wees.
5. Indien 'n selfoon aangeskakel is tydens skoolure en pouses, en daar is genoegsame bewyse en getuies, sal daar opgetree word teen die betrokke leerling – soos uiteengesit in bogenoemde par. 1 tot 4.
6. Leerlinge wat selfone misbruik kan ernstige dissiplinêre optrede in die gesig staar – na gelang van die erns van die ootreding.
7. **Selfoon-inspeksie vind plaas soos en wanneer die Senior Bestuur van die skool dít goed ag.** Die dae en tye wanneer die inspeksie plaasvind gaan nie voor die tyd bekend gemaak word nie.
8. **Dieselfde stappe** genoem in 3.1 tot 3.4 hierbo, is van toepassing wanneer 'n leerder tydens 'n selfoon-inspeksie betrap word met 'n selfoon wat aangeskakel is.

**NO. 96; 4 van 5****C. Die volgende voorbeelde van misbruike van selfone by die skool is die rede waarom die beleid uiters noodsaaklik is:**

1. Leerlinge wat selfone in skooltyd aansit en wat dan op hul beurt in klastyd lui.
2. Leerlinge sit selfone op "silent" en stuur vir mekaar boodskappe, o.a. antwoorde in toetse.
3. Leerlinge wat by skole, soos in die nuus berig, onweloweglike foto's, liedjies en ander media verprei. Indien 'n leerling homself/haarself na skoolure, op die skoolterrein hieraan skuldig maak, sal die SAPD en ouers onmiddellik gekontak word en die nodige dissiplinêre stappe geneem word.
4. Leerlinge wat die klas verlaat en dan ouers/maats vanuit die badkamers kontak, soms terwyl hul besig is met assessering vir die rapport.
5. Leerlinge wat oor die algemeen selfone gebruik.
6. Leerlinge wie se aandag afgetrek word van die les situasie a.g.v. die opgewondenheid van 'n nuwe selfoon of beheptheid daarmee.

**D. Samevatting**

Dit is prakties onmoontlik om elke kind by die skool se selfoon te polisiëer. Voorkoming is die beste manier om die probleem aan te spreek. Die **velligste** keuse is dat die kind **geen internettoegang** op sy/haar foon het nie. Ons glo dat baie ouers reeds hulle kinders se fone beveilig het. **Indien ouers dit nog nie gedoen het nie, word aanbeveel dat dit so spoedig as moontlik gedoen word. Hier rus 'n reuse verantwoordelikheid op die ouers. Dit is in belang van 'n leerder se welsyn en veiligheid.**

Die beleid bepaal dat selfone tussen 07:30 en 14:00 op skooldae afgeskakel moet wees.

## NO. 96; 5 van 5

**D. Samevatting**

Dit is prakties onmoontlik om elke kind by die skool se selfoon te polisiëer. Voorkoming is die beste manier om die probleem aan te spreek. Die **veiligste** keuse is dat die kind **geen internettoegang** op sy/haar foon het nie. Ons glo dat baie ouers reeds hulle kinders se fone beveilig het. **Indien ouers dit nog nie gedoen het nie, word aanbeveel dat dit so spoedig as moontlik gedoen word. Hier rus 'n reuse verantwoordelikheid op die ouers. Dit is in belang van 'n leerder se welsyn en veillgheid.**

Die beleid bepaal dat selfone tussen 07:30 en 14:00 op skooldae afgeskakel moet wees.



\_\_\_\_\_  
Voorsitter van Beheerliggaam

16-08-2017

\_\_\_\_\_  
Datum



\_\_\_\_\_  
Hoof

16-08-2017

\_\_\_\_\_  
Datum

\_\_\_\_\_  
Distrik Direkteur

\_\_\_\_\_  
Datum